

啓運慈悲道場懺法
一心歸命三世諸佛

南無過去毗婆尸佛

南無尸棄佛

南無毗舍浮佛

南無拘留孫佛

南無拘那含牟尼佛

南無迦葉佛

南無本師釋迦牟尼佛

南無當來彌勒尊佛

慈悲道場懺法卷第二
發菩提心第四

公三

今日道場同業大眾相與已得洗滌心垢十
惡重障淨盡無餘業累既遣內外俱潔次應
仰學菩薩修行直道功德智慧由之而生所
以諸佛每歎發心是道場能辦事故唯願大
眾各堅其志莫以年命待時漏盡勿令空去
後悔無益相與今日值遇好時不應日夜煩
惱覆心宜當努力發菩提心菩提心者即是
佛心功德智慧不可格量蓋論一念況復多

念假使歷劫修無量福乃至今生備行餘善不及發心萬分之一算數譬喻亦不能盡又有一人但作福德不發菩提無上道心譬如耕田不下種子既無其芽何處求實以是義故須發菩提心因緣爲證上報佛恩下拔一

切所以佛讚諸天子言善哉善哉如汝所說爲欲利益一切衆生發菩提心是爲第一供養如來發菩提心非止一過唯應數發令菩提心相續不斷是以經言於那由他恒沙佛所發大善願是知發心其數無量又菩提心

但遇善知識便得發起未必皆須值佛出世如文殊師利始向菩提乃因女人以發初心慧式不惟凡品輕標心志實由渴仰大乘貪求佛法依倚諸經取譬世事怨親無差六道一相願因斯善俱得解脫若同信解知非戲

論

公二

今日道場同業大衆發菩提心必須起想先緣所親繫念之時念已父母師長眷屬又念地獄餓鬼畜生又念諸天諸仙一切善神又念人道一切人類有受苦者當云何救見已

起想應發是念唯有大心能拔彼苦若一想成應作二想二想成已應作三想二想成已滿一室想一室成已滿一由旬一由旬滿已滿閻浮提閻浮提滿已滿三天下如是漸廣滿十方界見東方衆生盡是其父西方衆生盡是其母南方衆生悉是其兄北方衆生悉是其弟下方衆生悉是姊妹上方衆生悉是師長其餘四維悉是沙門婆羅門等見已作念若受苦時當作我想詣諸人所調身按摩誓拔其苦得解脫已爲其說法讚佛讚法讚

菩薩衆作是讚已心生歡喜見其受樂如已無異

今日道場同業大衆發菩提心應當如是不捨於苦而度衆生相與人人等一痛切五體投地心念口言作是誓願等從今日去乃至

道場於其中間公三在所生處恒值善知識發無上菩提之心若處三塗及墮八難常使憶念發菩提心令菩提心相續不斷

今日道場同業大衆當起勇猛心殷重心發菩提心等一痛切五體投地歸依世間大慈

悲父

南無彌勒佛 南無釋迦牟尼佛

南無勇施佛 南無清淨佛

南無清淨施佛 南無娑留那佛

南無水天佛 南無聖德佛

南無栴檀功德佛 南無無量掬光佛

南無光德佛 南無無憂德佛

南無那羅延佛 南無功德華佛

南無堅勇精進菩薩 南無金剛慧菩薩

南無無邊身菩薩 南無觀世音菩薩

又復歸依如是十方盡虛空界一切三寶等

今於十方一切三寶前發菩提心從今已去

乃至道場行菩薩道誓不退還恒作度脫眾

生心恒作安立眾生心恒作覆護眾生心眾

生不得佛者誓不先取正覺仰願十方一切

諸佛大地菩薩一切聖賢現為我證令一

切行願皆悉成就

今日道場同業大眾設使歷劫行多種善乃

得人天華報未得出世實果壽終福盡還墮

惡趣身壞苦逼不能自免若非立弘誓願發

廣大心無由百福莊嚴離諸哀惱相與今日
唯當一心一意緣念諸佛起堅固志發菩提
心發心功德不可稱量諸佛菩薩說不能盡
如是善力不可思議豈得不志心專在一意
大集經言譬如百年闇室一燈能破勿謂一
念心輕而不努力相與胡跪合掌一心徧緣
十方一切三寶心念口言等其今於十方一切
諸佛前十方一切尊法前十方一切菩薩前
十方一切賢聖前直心正念起殷重心不放
逸心安住心樂善心度一切心覆護一切心

等諸佛心發菩提心等其從今日去至坐道場
不著人天心不起聲聞心不起辟支佛心唯
發大乘心求一切種智心成就阿耨多羅三
藐三菩提心唯願十方盡虛空界一切諸佛
大地菩薩一切聖人以本願力現為我證以
慈悲力加助攝受今等其今日發心在所生處
堅固不退若墮三塗及處八難於三界中受
種種身受種種苦難堪難忍誓不以苦故退
失今日大心寧入無間大火輪中受種種苦
誓不以苦故退失今日大心此心此願等諸

佛心同諸佛願重復至誠頂禮三寶等從今
 已去至于成佛不捨二法知一切法空度脫
 十方一切衆生相與至心等一痛切五體投
 地心念口言等不爲自身求無上菩提而爲
 救濟一切衆生取無上菩提從今已去至于
 成佛誓嘗荷負無量無邊一切衆生起大慈
 悲盡未來際衆生若有三塗重罪六趣厄難
 等誓不避衆苦以身救護令此衆生得安隱
 地唯願十方盡虛空界一切諸佛
 南無 彌勒 佛 南無釋迦牟尼佛

南無蓮華光遊戲神通佛
 南無財功德佛 南無 德 念 佛
 南無善名稱功德佛 南無紅焰帝幢王佛
 南無善遊步功德佛 南無寶華遊步佛
 南無寶蓮華善住娑羅樹王佛
 南無闍戰勝佛 南無善遊步佛
 南無周而莊嚴功德佛
 南無棄陰蓋菩薩 南無寂 想 菩薩
 南無無邊身菩薩 南無觀世音菩薩
 願以大慈悲力現爲我證令等今日發菩提

心行菩薩道在所生處具足成就所到之地
 一切解脫重復至誠五體投地頂禮十方一
 切三寶等某不為自身求無上菩提為度十方
 一切眾生取無上菩提從今已去至于成佛
 若有眾生愚癡黑闇不識正法起諸異見者
 復有眾生雖修道行不達法相者如此眾生
 乃至未來等某誓以佛力法力賢聖力種種方
 便令此眾生皆入佛慧具足成就一切種智
 相與至心等一痛切五體投地歸依十方盡
 虛空界一切諸佛

永樂北藏

慈悲道場懺法

南無 彌勒 佛 南無 釋迦牟尼 佛
 南無 普光 佛 南無 普明 佛
 南無 普淨 佛
 南無 多摩羅跋栴檀香 佛
 南無 栴檀光 佛 南無 摩尼幢 佛
 南無 歡喜藏 摩尼寶積 佛
 南無 一切世間樂見上大精進 佛
 南無 摩尼幢燈光 佛 南無 慧炬照 佛
 南無 海德光明 佛
 南無 金剛牢強普散金光 佛

第一五二册

南無大強精進勇猛佛

南無大悲光佛 南無慈力王佛

南無慈藏佛

南無慧上菩薩 南無常不離世菩薩

南無無邊身菩薩 南無觀世音菩薩

仰願諸佛諸大菩薩以大慈悲力大智慧力

不思議力無量自在力降伏四魔力斷除五

蓋力滅諸煩惱力無量清淨業塵力無量開

發觀智力無量開發無漏慧力無量無邊神

通力無量度脫眾生力無量覆護眾生力無

量安隱眾生力無量斷除苦惱力無量解脫

地獄力無量濟度餓鬼力無量救拔畜生力

無量攝化阿脩羅力無量攝受人道力無量

盡諸天諸仙漏力具足莊嚴十地力具足莊

嚴淨土力具足莊嚴道場力具足莊嚴佛果

功德力具足莊嚴佛果智慧力具足莊嚴法

身力具足莊嚴無上菩提力具足莊嚴大涅

槃力無量無盡功德力無量無盡智慧力仰

願十方盡虛空界一切諸佛諸大菩薩以如

是無量無邊自在不可思議力不違本誓不

違本願悉以施與十方一切四生六道衆生
及今日同發心者必使具足成就諸功德力
具足成就菩提願力具足成就菩提行力今
日十方若幽若顯若怨若親若非怨親四生
六道有緣無緣窮未來際一切衆生以此懺
法未得清淨在所生處同得如願一向堅固
心無退轉等與如來俱成正覺乃至後流一
切衆生異於願者皆悉令入大願海中即得
具足成就功德智慧同諸菩薩滿十地行具
足一切種智莊嚴無上菩提究竟解脫

發願第五

今日道場同業大衆相與已得發大心竟喜
踊無量宜復應發如是大願等一痛切五體
投地歸依世間大慈悲父

南無 彌勒 佛 南無釋迦牟尼佛
南無栴檀窟莊嚴勝佛

南無賢善首佛 南無 善 意 佛

南無廣莊嚴王佛 南無 金剛華佛

南無寶蓋照空自在王佛

南無虛空寶華光佛 南無瑠璃莊嚴王佛

南無普現色身光佛 南無不動智光佛
 南無降伏諸魔王佛 南無才光明佛
 南無智慧勝佛 南無彌勒仙光佛
 南無藥王菩薩 南無藥上菩薩
 南無無邊身菩薩 南無觀世音菩薩
 願以不思議力同加覆護令等所有誓願皆
 悉成就在所生處常不忘失究竟無上菩提
 成等正覺等從今日去願生生世世在在處處
 常得憶念發菩提心令菩提心相續不斷
 從今日去願生生世世在在處處常得奉

事無量無邊一切諸佛常得供養供養眾具
 皆悉滿足等從今日去願生生世世在在處處
 常得護持大乘方等一切諸經供養眾具
 皆悉滿足等從今日去願生生世世在在處處
 常值十方無量無邊一切菩薩供養眾具
 皆悉滿足等從今日去願生生世世在在處處
 常值十方無量無邊一切賢聖供養眾具
 皆悉滿足等從今日去願生生世世在在處處
 常得奉報覆蔭慈恩有所奉給隨心滿足
 從今日去願生生世世在在處處常得奉

值和尚阿闍黎所應供養隨念滿足等其從今
 日去願生生世世在在處處常得奉值大力
 國王共興三寶使不斷絕等其從今日去願生
 生世世在在處處常得莊嚴諸佛國土無有
 三惡八難之名等其從今日去願生生世世在
 在處處四無礙等其智六神通力恒得現前常不
 忘失以此教化一切衆生相與志心等一痛
 切五體投地歸依世間大慈悲父
 南無 彌 勒 佛 南無釋迦牟尼佛
 南無世淨光佛

南無善寂月音妙尊智王佛
 南無龍種上尊王佛 南無 日月光佛
 南無日月珠光佛 南無慧旛勝王佛
 南無師子吼自在力王佛
 南無妙音勝佛 南無常光幢佛
 南無觀世燈佛 南無慧威燈王佛
 南無法勝王佛 南無須彌光佛
 南無須曼那華光佛
 南無優曇鉢羅華殊勝王佛
 南無大慧力王佛

南無阿閼毗歡喜光佛

南無無量音聲王佛

南無山海慧自在通王佛

南無大通光佛 南無才光佛

南無金海光佛

南無一切法常滿王佛

南無大勢至菩薩 南無普賢菩薩

南無無邊身菩薩 南無觀世音菩薩

又復歸依如是十方盡虛空界一切三寶願

承諸佛諸大菩薩一切賢聖大慈悲力令等

所發誓願所生之處隨心自在等從今日去

又願生生世世在在處處若有衆生見我身

色即得解脫若入地獄一切地獄變為淨土

一切苦緣變為樂具令諸衆生六根清淨身

心安樂如第三禪斷諸疑網發初無漏等從

今日去願生生世世在在處處若有衆生得

聞我聲心即安隱滅除罪垢得陀羅尼解脫

三昧具足大忍辯才不斷俱登法雲成等正

覺等從今日去願生生世世在在處處一切

衆生得聞我名皆悉歡喜得未曾有若到三

塗斷除眾苦若在人天盡諸有漏所向自在
 無不解脫等其從今日去願生生世世在在處
 處於一切眾生無有與奪之心無有怨親之
 想斷三毒根離我我所信樂大法等行慈悲
 一切和合猶如聖眾等其從今日去願生生世
 世在在處處於一切眾生心常平等猶如虛
 空毀譽不動怨親一相入深廣心學佛智慧
 等視眾生如羅睺羅滿十住業得一子地離
 於有無常行中道相與至心等一痛切五體
 投地歸依世間大慈悲父

永樂北藏

慈悲道場懺法

南無彌勒佛	南無寶海佛	南無寶成佛	南無寶幢幡佛	南無阿閼佛	南無無量音佛	南無得大安隱佛	南無無限淨佛	南無無限名稱佛	南無無垢光佛
南無釋迦牟尼佛	南無寶英佛	南無寶光佛	南無寶光明佛	南無大光明佛	南無大名稱佛	南無正音聲佛	南無月音佛	南無日月光明佛	南無淨光佛

第一五二册

南無金剛藏菩薩 南無虛空藏菩薩
 南無無邊身菩薩 南無觀世音菩薩
 又復歸依如是十方盡虛空界一切三寶願
 繫以今懺悔發願功德因緣願四生六道從
 今日去至于菩提行菩薩道無有疲厭財法
 二施無有窮盡智慧方便所作不空隨根應
 病授以法藥一切見聞同得解脫等又願從
 今日去乃至菩提行菩薩道無諸留難所到
 之處常能作大佛事建立道場得心自在得
 法自在一切三昧無不能入開總持門顯示

佛果居法雲地注甘露雨滅除衆生四種魔
 怨使得清淨法身妙果等今日所有衆願悉
 如十方諸大菩薩所發誓願所有衆願悉如
 十方諸佛本修行時所發一切大願廣大如
 法性究竟如虛空願等得如所願滿菩提願
 一切衆生皆悉隨從得如所願仰願十方一
 切諸佛一切尊法一切菩薩一切賢聖以慈
 悲力現為我證又願一切天土一切仙主一
 切善神一切龍神以擁護三寶慈善根力現
 為證知令諸行願隨心自在

發回向心第六

今日道場同業大眾已發菩提心竟已發大
誓願竟次應發回向心相與至心等一痛切
五體投地歸依世間大慈悲父

南無 彌勒 佛 南無 釋迦牟尼佛

南無 日 光 佛 南無 無量寶佛

南無 蓮華最尊佛 南無 身尊佛

南無 金 光 佛 南無 梵自在王佛

南無 金 光明佛 南無 金 海 佛

南無 龍自在王佛 南無 樹 王 佛

南無一切華香自在王佛

南無勇猛執持牢仗棄捨戰鬥佛

南無內豐珠光佛 南無無量香光明佛

南無文殊師利菩薩 南無妙 音 菩薩

南無無邊身菩薩 南無觀世音菩薩

又復歸依如是十方盡虛空界一切三寶願

以慈悲力現為我證等願過去已起一切善

業現前所起一切善業乃至未來當起一切

善業若多若少若輕若重悉以回施四生六

道一切眾生令諸眾生皆得道心不向二乘

不向三有同共回向無上菩提又願一切衆
 生所起善業若過去若現在若未來各各回
 施不向二乘不向三有同共回向無上菩提
 今日道場同業大眾相與發菩提心竟發大
 誓願竟發回向心竟廣大如法性究竟如虛
 空去來現在一切諸佛諸大菩薩十三一切賢聖
 皆為證明重復至誠頂禮三寶十六發心發願
 其事已畢喜踊無量重發至心五體投地奉
 為國王帝主父母師長歷劫親緣一切眷屬
 善惡知識諸天諸仙護世四王主善罰惡守

護持呪五方龍王龍神八部一切靈祇過去
 現在窮未來際一切怨親及非怨親四生六
 道一切衆生歸依世間大慈悲父
 南無 彌勒 佛 南無釋迦牟尼佛
 南無師子響佛
 南無大強精進勇力佛
 南無過去堅住佛 南無鼓音王佛
 南無日月英佛 南無超出衆華佛
 南無世燈明佛 南無休多易寧佛
 南無寶輪佛 南無常滅度佛

南無淨覺佛 南無無量寶華明佛

南無須彌步佛 南無寶蓮華佛

南無一切眾寶普集佛

南無法輪眾寶普集豐盈佛

南無樹王豐長佛

南無圍遶特尊德淨佛

南無無垢光佛 南無日光佛

又復敬禮過去無數劫諸佛大師海德女來

敬禮無量無邊盡虛空界無生法身菩薩

敬禮無量無邊盡虛空界無漏色身菩薩

敬禮無量無邊盡虛空界發心菩薩

敬禮興正法馬鳴大師菩薩

敬禮興像法龍樹大師菩薩

敬禮十方盡虛空界無邊身菩薩

敬禮十方盡虛空界救苦觀世音菩薩

讚佛祝願

大聖世尊 巍巍堂堂 神智妙達 眾聖中王

形徧六道 體散十方 頂肉髻相 頂出日光

面如滿月 妙色金莊 儀容挺特 行止安庠

威震大千 群魔驚惶 三達洞照 眾邪潛藏

見惡必救 濟苦為糧 度生死岸為行舟航
故號如來應供正徧知明行足善逝世間解
無上士調御丈夫天人師佛世尊度人無量
拔生死苦以此發心功德因緣仰願

當今皇帝陛下皇太子殿下諸王眷屬從今
日去至于道場亡身為法如薩陀波崙大悲
滅罪如虛空藏能遠聽法如瑠璃光善解難
法如無垢藏又願等所生父母歷劫親緣從
今日去至于道場散形空界如無邊身具十
功德如高貴德王聞法歡喜猶如無畏神力

勇猛如大勢至又願我等和尚阿闍黎同學
眷屬上中下座一切知識從今日去至于道
場各得無畏如師子王影響大化猶如寶積
聞聲濟苦如觀世音善能詰問如大迦葉又
願我等出家六二在俗信施檀越善惡知識各及
眷屬從今日去至于道場解諸危厄十五猶如救
脫相貌端嚴猶如文殊能捨業障如棄陰蓋
設最後供等於純陀又願諸天諸仙護世四
王聰明正直天地虛空主善罰惡守護持呪
五方龍王龍神八部幽顯靈祇各及眷屬從

今日去至于道場大慈普覆如阿逸多精進
 護法如不休息遠證讀誦猶如普賢為法焚
 身猶如藥王又願十方一切怨親及非怨親
 四生六道一切眾生各及眷屬從今日去至
 于道場心無愛染如離意女微妙巧說如勝
 鬘夫人能行精進如釋迦文所有善願等無
 量壽所有威神如諸天王不可思議如維摩
 詰一切功德各成就無量佛土悉莊嚴仰願
 十方盡虛空界無量無邊諸佛諸大菩薩一
 切賢聖以慈悲心同加攝受救護拯接所願

永樂北藏

慈悲道場懺法

圓滿信心堅固德業日遠慈育四生等如一
 子令諸眾得四無量心六波羅蜜十受修
 禪三願廣被應念見佛皆如勝鬘一切行願
 畢竟成就等與如來俱登正覺

慈悲道場懺法卷第二

音釋

荷負荷胡可切負房切窟苦骨切曼母官切悶六初切
 切古謂鬘盧昆切諮即移切鬘莫班切詰吉切

第一五二册

永樂北藏

慈悲道場懺法

第一五二册